

KENYATAAN MEDIA



KEMENTERIAN PERDAGANGAN DALAM NEGERI DAN HAL EHWAL PENGGUNA
No. 13 Persiaran Perdana, Presint 2,
62623 Putrajaya
No. Telefon : 03-8882 5562
No. Fax : 03-8882 5569

PERTANDINGAN SENI TEATER IPT ANGKAT TEMA KEPENGGUNAAN SEMARAKKAN ADVOKASI KEPENGGUNAAN PENGGUNA MUDA

BANDAR BARU BANGI, 23 Ogos 2022 – Yang Berhormat **Dato' Rosol bin Wahid**, Timbalan Menteri Perdagangan Dalam Negeri dan Hal Ehwal Pengguna hari ini telah menyempurnakan Perasmian Majlis Penutup Prosenium Pengguna Universiti Awam 2022 yang telah diadakan di Panggung Seni, Universiti Kebangsaan Malaysia.

2. Program Prosenium Pengguna Universiti Awam 2022 merupakan anjuran bersama Kementerian Perdagangan Dalam Negeri dan Hal Ehwal Pengguna (KPDNHEP), Pusat Kebudayaan Universiti Kebangsaan Malaysia (UKM) serta Majlis Kebudayaan Universiti-universiti Malaysia (MAKUM). Program ini merupakan **satu pertandingan seni teater bertemakan kepenggunaan** dengan penekanan kepada **empat (4) modul kepenggunaan** iaitu **perlindungan pengguna, pengurusan kewangan berhemah, pemakanan sihat serta kelestarian alam sekitar**. Antara objektif utama program ini adalah bertujuan untuk menyebarkan pendidikan kepenggunaan melalui platform yang menarik serta meningkatkan tahap pendayaupayaan pengguna terutama di kalangan pelajar di Institut Pengajian Tinggi (IPT). Pada masa yang sama, program ini diharap secara tidak langsung dapat merancakkan industri teater Malaysia terutamanya teater kampus.

3. Untuk makluman, penganjuran Prosenium Pengguna IPTA 2022 telah dilaksanakan mengikut zon secara berperingkat bermula di Universiti Malaya pada 29 Julai 2022 dan malam kemuncaknya adalah pada malam ini di Universiti Kebangsaan Malaysia di mana pemenang bagi pertandingan ini akan diumumkan. Pada tahun ini, sebanyak **11 buah IPT** telah menyertai pertandingan ini dan seramai **200 orang pelajar IPT** telah mengambil bahagian. Pelbagai isu kepenggunaan seperti isu *scam*, penjualan barang tiruan, manipulasi harga barangan, pencemaran alam sekitar dan sebagainya telah diketengahkan di dalam naskhah pementasan teater pada kali ini dan diharap pementasan teater ini merupakan satu pendedahan yang terbaik kepada pelajar IPT dalam memahami dengan lebih jelas berkaitan isu-isu kepenggunaan .

4. Pihak Kementerian komited menyokong usaha dan kerjasama strategik dengan semua pihak termasuklah pihak IPT dalam meningkatkan kesedaran hak pengguna terutama di kalangan mahasiswa. Kementerian percaya peranan yang dimainkan oleh pelajar IPT amat penting yang akan menjadi duta kecil Kementerian serta berperanan sebagai mata dan telinga Kerajaan dalam menyemarakkan dan menyebarkan program advokasi kepenggunaan di kalangan pengguna muda.

YB Dato' Rosol bin Wahid

Timbalan Menteri Perdagangan Dalam Negeri dan Hal Ehwal Pengguna
23 Ogos 2022

#End#

LATAR BELAKANG

Kementerian Perdagangan Dalam Negeri dan Hal Ehwal Pengguna (KPDNHEP) telah ditubuhkan pada 27 Oktober 1990. Matlamat penubuhan Kementerian adalah untuk menggalakkan pembangunan perdagangan dalam negeri yang berdaya maju, berdaya saing, dan berdaya mampan, khususnya di dalam sektor perdagangan pengedaran.

Sektor perdagangan pengedaran adalah antara penyumbang utama KDNK negara dan ia bertindak sebagai benteng kestabilan ekonomi, terutama semasa situasi ekonomi luaran berada di dalam keadaan ketidaktentuan. Perdagangan pengedaran perlu kukuh bagi menampan sebarang ketidakstabilan dalam ekonomi negara.

Dalam masa yang sama, Kementerian juga komited dalam melindungi kepentingan dan hak-hak pengguna. Ini termasuk membangunkan ekosistem pengguna dan peniaga yang bersifat melengkapi dan ke arah *self-regulated*, seiring dengan aspirasi ke arah masyarakat negara maju. Ia diharapkan akan melahirkan pengguna dan peniaga yang matang dan beretika dalam mengurusniaga, dan hasilnya adalah negara yang seimbang dari segi ekonomi dan sosial.

Agensi di bawah KPDNHEP:

